



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, Jesus Passus Per Centuriam
Modorum Meditandi passionem Salvatoris nostri illustratus; cui
accesserunt Meditationes In Passionem Domini XLVI. - Juxta numerum
dierum Quadragesimæ

Druzbicki, Kaspar

Ingolstadii, 1732

VD18 90066405

90. Considerando, quomodo creationi primæ mundi respondeat
Redemptio gèneris humani, & Passio Christi.

urn:nbn:de:hbz:466:1-45427

tum ejus. Et quidem non exemplarium: quia hæ creaturæ cuivis impossibiles sunt, sed in Politicis, in Purgatoriis, potissimum autem in iis quæ Purgati Animi & exemplaribus vicinæ præ omnibus aliis sunt. Ut impleatur per Gratiam Dei à nobis in nobis, illud Domini nostri dictum. *Et vos ergo estote perfecti, sicut & Pater vester cælestis perfectus est.* Quod utique fiet, si sola quæ Dei sunt intuebimur, si terrenas cupiditates ne quidem sciverimus, si Passiones ignoraverimus, si cum Divina mente perenni fœdere consotiamur eamque imitabimur.

MODUS XC.

Nonagesimus Modus meditando Passionem Domini esse potest. Comparando Creationem mundi cum Incarnatione atque Passione, tum etiam Resurrectione Christi Domini. Paucis carpam hanc comparationem, fusiùs tractatam ab aliis scriptoribus.

Primò igitur Moyses describit Mundi Creationem his verbis. *In principio creavit Deus cælum & terram.* Et potest quidem vox *In Principio*, ita intelligi: primò omnium, & ante omnia: potest nihilominus etiam intelligi, prout passim intelligitur, id est, in Filio, seu in VERBO, dicente alibi scripturâ. *Verbo Domini cæli firmati sunt.* ut respondeat initium veteris legis seu Testamenti, initio legis novæ & librorum ejus. *In Principio erat verbum.* & mox. *Omnia per ipsum facta sunt, & sine ipso factum est nihil, quod factum est. in ipso vita erat.* Quæ Evangelii verba videntur veluti esse explicatio, in quonam Prin-

D 112
 21
 23
 115 III
 V
 8

cipio Deus creavit cælum & terram: adstipulante etiam Apostolo ad Hæbreos, ubi dicit, *Deum per Filium fecisse secula.* adducitque Davidis testimonium dicentis de Filio. *Tu in principio terram fundasti, & opera manuum tuarum sunt cæli.* Quod si de hisce visibilibus mundi partibus verum est in Verbo, & à Verbo conditas esse, verum erit & multò quidem magis, alium etiam mundum cum partibus suis, hoc ab initio creato, multò nobiliorem, digniorem, admirabiliorem, & propter hæc omnia etiam longè majorem, ab eodem, & in eodem, imò verò, & ex eodem verbo Filioque conditum esse. Antiqui vocabant Hominem parvum mundum, at Nazianzeno placuit eundem vocare magnum mundum, quod nomen Iustissimo jure justius tribui debet Deo-Homini Domino nostro, JESU Christo: qui semetipsum in sua Persona VERBI ex Homine-Deo hypotaticè conflans, revera *In Principio creavit cælum & terram:* hoc est, in VERBO & Filio DEO uniens Animam & Corpus. Anima enim cælum revera fuit, & quia Spiritus immortalis, & quia jam tunc ab exordio creationis suæ Hypostasi Divinæ adherens, & simul etiam visione Dei beatificâ perfruens; Corpus verò terra, quia terrenum fuit, & de terra Virgine sumptum formatumque est.

Adhuc autem Anima Christi Domini Cælum fuit, quoniam in ea *habitavit plenitudo Divinitatis* (ut ait Apostolus) *corporaliter*; in ea etiam omnes thesauri Sapientiæ, & Scientiæ, Justitiæ quoque, & Misericordiæ, Charitatis etiam, & Bonitatis, reconditi erant. Corpus autem ejus terra fuit: terra nova, terra viventium, terra

male-

G:
 Bi
 opere
 Tom
 Ne
 5

maledictionis omnis expers, terra in qua planta-
vit Dominus Paradysum voluptatis.

Præterea fuit Anima Christi Cælum, quod
à celando dictum est, quia omnia celat, & tegit
omnia, sic enim etiam Anima Christi celabat intra
se omne Divinitatis consilium, omnemque VER-
BI Divinitatem. Corpus verò Domini terra
fuit, quia quemadmodum terra foditur, aratur,
colitur ut fructificet; ita & Corpus Christi arave-
runt peccatores, & prolongaverunt sulcos suos.
Sicut terra est Fundamentum omnia sustinens; ita
& Corpus Christi omnes nos in sua membra ad-
mittit. Sicut terra omnes res alit, & esca omni-
um in ea; ita & Caro Christi verè est cibus, &
Sanguis Christi verè est potus, quo nisi alantur
Anima nostra, vitam Spiritûs, & gratiæ, & glo-
riæ habere in se non possunt.

Denique Anima Christi Domini Cælum erat,
quoniam beata, & gloriâ atque fruitione Divini-
tatis beatificâ plena erat. Corpus autem terra
erat, quia beatitudine suâ necdum fuit dotata, sed
terrenorum corporum instar passibile, mortale,
ærumnis & necessitatibus subjectum erat. unde
quod Moyses dixit de terra initio condita, quod
esset inanis & vacua, hoc Corpori Christi Domi-
ni optimè quadrat. Erat enim Corpus illud Sa-
cratissimum inane & vacuum gloriâ & beatitudi-
ne sibi connaturaliter ob unionem cum Anima
jam beata, itemque ob unionem Hypostaticam
cum VERBO debita, sed per miraculum, atque
propter misericordiam super nos in corpore pati-
bili præstandam suspensa, & veluti exclusa: do-
nec nimirum terra ista Corporis Sacrosancti fuis-
set omni genere ærumnarum culta, & fructibus

Q9 5

omni-

Handwritten marginal notes on the right edge of the page, including the letters 'V' and '8' in large, stylized script.

omnigenæ salutis nostræ præparata, quin etiam gloriæ, ac beatificationi suæ meritorio jure idonea facta. Quod attestatus est postmodum suo tempore Dominus, quando dixit. *Hæc oportuit Christum pati: & ita intrare in gloriam suam*, Corpori scilicet suo inferiorique portioni sensuali debitam ex Animæ Beatæ VERBIQUE Divini confortio, uti supradictum est.

Huic eidem Corpori Christi Domini, optimè servit id, quod Moyses narrat de terra, eam nimirum fuisse immensis aquarum abyssi obrutam, insuperque tenebris occupatam. Humanitas siquidem Christi quoad Inferiorem sensitivam Corporeamque suam portionem, cooperta fuit à prima conceptione sua, & deinceps per omnem vitam, maximè in Passione & Morte sua, abyssò patibilitatis, & omnis generis ærumnarum, ex patibili mortalique statu in se redundantium: magis verò ex aquis passionum tam interiorum, quàm exteriorum, plus quàm immensè dolorosarum. Maximè porrò ex tenebris mortis, quando Anima à Corpore soluta, ipsa quidem ad inferos victrix cum potestate triumphali descendit, at verò Corpus inane, vacuum, tenebris mortis obvolutum in sepulchro mansit.

Quis cogitabit & pervadet animo abyssos, quibus Christi Humanitas cooperta fuit in illa lucta in orto, ubi JESUS cœpit pavere, coedere, contristari, mœstus esse, orare, sudare sanguine, agonizare usque ad mortem? Quis horrorem illum potestatis tenebrarum, in Christum totis viribus, effusisque cataractis inferni erumpentium comprehendet? Quis (ne longus per singula eundo videar) quis inquam Congregatio-

G: —
 Gi
 opere
 Tom
 Ne
 52

nes dolorum, omnisque generis calamitatum maria, super Animam Corpusque Christi superinfusa permetietur? Sine exaggeratione atque Hyperbole tunc Dominus nolter vocem illam usurpavit Propheticam. *Circumdederunt me aquae, usque ad Animam. abyssus vallavit me, pelagus operuit caput meum.* Jona 2. 6.

Interea tamen Spiritus Domini ferebatur super aquas istas, & tenebras illas discuriebat, VERBUM scilicet Hypostaticam unionem conservans, cum mortuo Corpore, nec dans Sanctum suum videre corruptionem, donec veniret hora resurrectionis, in qua instaurata est Humanitas Christi tota, & gloriâ atque honore beatitudinis etiam in corpore gloriosissimo coronata. Vel etiam Spiritus Domini ferebatur super aquas, quibus super scelus inimicorum & interfectorum Christi, elevabatur consilium admirabile Trinitatis, quo, & nolebat hominem contra propositum suum perire, & scelere interfectionis Filii Dei, uti volebat, reque ipsâ utebatur ad executionem Sapientiâ, Omnipotentia, Justitiâ, Misericordia, & Charitate plenissimi consilii. Fecit enim ut manus impiorum, quas in se admittebat Filius Dei, famularentur Redemptori, Humani generis redemptioni.

Interea quoque dixit Deus, fiat lux: & facta est lux: quia quando VERBUM Caro factum est, *Habitavit in nobis, tunc etiam in ipso vita erat, & vita erat lux hominum, & lux in tenebris lucet, & tenebrae eam non comprehenderunt, neque enim in propria venientem receperunt. Sed potius videntes eum, dixerunt. hic est heres, venite occidamus eum, & hereditas nostra erit. Sed mentita est iniqui-*

D
K
C
L
V
8

iniquitas sibi. Filius enim Dei & vivens in terris, lux fuit mundi; & in Cruce patiens atque moriens, noctem peccatorum damnationisque æternæ depulit, atque discussit: vivificans & illuminans omnem hominem venientem in hunc mundum: juxta quod dixerat ipse. Oportet exaltari filium hominis. Et. Ego si exaltatus fuero, omnia traham ad me ipsum. Nisi enim granum frumenti cadens in terram mortuum fuerit, ipsum solum manet. Si autem mortuum fuerit, multum fructum offert.

Divisit quoque lucem à tenebris Passione & Cruce, atque Morte suâ Dominus; tum quia non Angelos sed Semen Abrahæ apprehendit, pendensque mediis latronum, unum eorum, qui figuram gessit Adami, seu generis Humani, paradiso donavit: alterum qui typus fuit diaboli in damnatione dereliquit: tum quia Ecclesiam suam à Synagoga separavit; tum etiam quia Electos à reprobis, credentes ab infidelibus, amatores ab odientibus discrevit, in extremo suo judicio Agnos ab hædis æternum separaturus est, quando Oves, id est, Justi ibunt in vitam æternam; hædi autem, id est, impii; in combustionem æternam.

Tunc etiam fecit Deus firmamentum ex aquis, in medio aquarum, divisitque aquas ab aquis. Passio enim, & Crux, atque Mors, & omnis Infirmitas Salvatoris nostri in Homine quem suscepit, facta est Firmamentum infirmitatis nostræ, sanitas omnis ægritudinis nostræ, sublevatio omnis ruinæ nostræ, solidatio omnis contractionis nostræ, Eruditio omnis imperitiæ nostræ, Consolatio omnis tribulationis nostræ, Abundantia omnis egestatis nostræ: denique vita omnis mortalitatis & Mortis nostræ. Dominus namque

G: —
 Bi
 oper:
 Tom
 Ne
 se

namque noster ostendit, imò & contulit nobis in sua Cruce gloriam, in sua stultitia sapientiam, in suis probris laudem, in sua egestate & nuditate divitias, in suis doloribus delicias, in sua afflictione dulcedinem, in suis tribulationibus consolationem, in sua tentatione gaudium, in sua infirmitate robur, in sua obedientia libertatem, in sua patientia pacem, in sua humilitate exaltationem, in sua mortificatione conservationem, in sua morte vitam, in sua fide scientiam, in sua spe possessionem, in sua charitate beatitudinem: videlicet aquarum ab aquis separationem. Quanquam sunt etiam aquæ iniquitatis, & aquæ iustitiæ; sunt aquæ Culpæ, & aquæ veniæ; sunt aquæ mortis, & sunt aquæ vitæ; sunt aquæ peccati, & sunt aquæ Gratiæ; sunt aquæ Sapientiæ huius mundi, & sunt aquæ salutares Sapientiæ Dei; sunt aquæ tribulationum, & sunt aquæ consolationum; sunt aquæ temporaneæ, & sunt aquæ æternitatis, denique sunt aquæ damnationis & inferni: & sunt etiam aquæ beatitudinis & cæli. Atque hæ omnes, ab invicem Crucis Mortisque separantur firmamento.

Et ne longus sim. Dixit præterea Deus *Congregentur aquæ in unum locum, & appareat arida, & factum est ita.* Quod quid est aliud, quàm in Christum Deum Hominem congregatas & coactas esse omnis generis gratias, & dona, & prærogativas, beneficentiæ Dei, ejusque meritum intuitu Aridam apparuisse, hoc est, Humanam nostram naturam à Deo adamatam, & exaltatam tantopere: usque nimirum ad fruitionem Dei, aut usque ad Consortium Unionis VERBI. Vel certè. Congregatæ sunt aquæ omnes pecca-

Gen. 1. 9.

peccatorum nostrorum, seu suppliciorum peccatis nostris debitorum, in unum Dominum nostrum, posuit enim in eo, (juxta dictum Prophetam) Pater, iniquitatem omnium nostram, & ipse factus est Agnus, qui tollit peccatum mundi: ipse peccata nostra pertulit super lignum. Interea vero nos ejus livore sanati sumus, nos sumus reconciliati Patri per ipsum. Nos apparuimus tanquam Arida, immunis & innocens. Et qui ante fuimus procul, facti sumus prope: qui fuimus non populus, & absque misericordia; facti sumus populus, & misericordiam consecuti. denique qui fuimus terra deserta & inuia, ecce facti sumus terra proferens herbam virentem, & faciens semen juxta genus suum, lignumque faciens fructum suum, fructum nimirum Fidei, Spei, Charitatis, Justitiae, bonorum operum Laudis, & gratiarum actionis, & omnis virtutis, adeoque etiam beatitudinis, per merita & gratiam Domini Nostri JESU Christi, qui est Benedictus in saecula.

MODUS XCI.

Nonagesimus Primus Passionem Domini meditando Modus potest esse; Comparando statum Redemptionis, qui nobis per Passionem Domini obvenit, cum statu Innocentiae, quem nobis Deus in prima Creatione contulerat: & advertendo plus nobis in Redemptione à Passione collatum esse, quam in Creatione ab Innocentia collatum fuerat.

Parte 6. Meditat. 5.

Desumo hunc Modum à Patre Ludovico de Ponte: qui Gratiam Incarnationis Divinae propter nos, passionisque pro nobis, cum Gra-

G: —
 Gi
 Oper:
 JOM
 NE
 SE